



赤水玄珠

九

十武
316
10



門
第
卷
516
10

赤水玄珠第九卷目錄

喘門

氣短 氣促 少氣 產後喘

哮門

善悲 肺痿 肺癰

赤水玄珠

九卷目錄



赤水玄珠第九卷

新安生生子孫一奎著輯

○喘門

岐伯曰，不得卧而息有音者，是陽道之逆也。足三陽者下行，今逆上行，故息有音也。陽明者胃脉

Blank page with vertical lines for text.

也胃者六府之海其氣亦下行陽明逆不得從
其道故不得卧也下經曰胃不和則卧不安
論又曰夫不得卧則喘者是水氣之客也夫
水者循津液而流也腎者水臟主津液主卧與
喘也

東垣曰肺脹膨而喘咳胃膈滿壅盛而上奔者
於隨証用藥方中多加五味子人參次之麥門
冬又次之黃連少許如甚則交兩手而醫者

真氣大虛也若氣短加黃耆五味子人參氣虛
去五味子人參加黃芩荆芥穗冬月去荆芥穗
加草薹薏仁

丹溪曰哮喘未發以扶正為要已發以攻邪為
主陰虛自少腹下火起衝於上而喘者宜降心
火補陰有陰虛挾痰喘者四物湯加枳殼半
夏補陰降火上氣喘而躁者為肺脹欲作風
水症宜發汗則愈諸喘不止者用川椒目研
極細一二錢生姜湯調下劫之氣虛不用又

法用蘿菔子蒸為君皂角燒灰等分為末姜汁
 加煉蜜為丸小菑大每噙化五七十九劫止之
 後因痰治痰因火治火氣虛者用人參蜜炙黃
 栢麥冬地骨皮之類氣實人因服參著過多
 而喘者用三拗湯喘甚者須用阿膠若久病
 氣虛而發喘者宜阿膠人參五味補之新病
 氣實而喘者宜桑白皮苦葶藶瀉之

凡喘正發時無痰將愈時却吐痰者乃痰于正發
 之時閉塞不通故喘甚當于其時開其痰路則

喘易安也宜桔梗湯及枳殼瓜蒌實杏仁
 前胡等引出其痰候痰出喘退却調其虛實虛
 者補以參著歸木實者瀉以沉香滾痰丸之類
 是也

肺虛則少氣而喘經曰秋脉者肺也秋脉不及則
 喘呼吸少氣而咳上氣見血下聞病音治則人
 參五味門冬之屬是也

肺痺肺積則久喘而不已經云滯氣喘息痺聚在
 肺又云肺痺者煩滿喘而嘔是肺痺而喘治法

或表之或吐之使氣宣通而愈也

難經云肺之積名息貴在右脇下如杯久不已令入喘咳發肺癆治法則息貴丸是也


胃喘則身熱而煩經云胃為氣逆又云犯賊風虛邪者陽受之陽受之則入六腑入六腑則身熱不得卧上為喘呼又云陽明厥則喘而哕哕則惡人或喘而死者或喘而生者何也厥逆連臟則死連經則生是也故玄子註曰哕謂熱內鬱而煩凡此胃喘治法加減白虎湯之類是也

腎喘則嘔咳經云少陰所謂嘔咳上氣喘者陰氣在下陽氣在上諸陽氣浮無所依從故咳上氣喘也東垣治以瀉白散是也

凡喘不得卧其脉浮按之虛而瀦者為陰虛去死不遠慎勿下之必死宜四物加童便竹瀝青黛門冬五味枳殼蘇葉服之

東垣曰病機云諸痿喘嘔皆屬於上辨云傷寒家論喘嘔以為火熱者是明有餘之邪中于外寒變而為熱心火太旺攻肺故屬於上又云膏梁

之人奉養太過及過愛小兒亦能積熱于上而
為喘咳宜以甘寒之劑治之脉經又云肺盛有
餘則咳嗽上氣喘渴煩心胃滿短氣皆衝脉之
火行于胃中而作係在下焦非屬上也蓋雜病
不足之邪起于有餘病機之邪自是標本病傳
飲食勞役喜怒不節水穀之寒熱感則害人亦
府皆由中氣不足其膜脹腹滿咳喘嘔食皆以
大甘辛熱之劑治之立已今立熱喘寒喘二方
熱用人參平肺散 寒用參蘇溫肺湯



三因論曰寸口陰脈實者肺實也肺必脹上氣
喘逆咽中塞如嘔狀自汗皆肺實之証右寸陰
脈虛者肺虛也必咽乾無津少氣不足以息
喘有寒有熱有水病寒喘遇寒則發熱喘發于夏
而不發于冬水病者小便澀胃膈滿悶脚微腫
是也熱喘宜蛤蚧丸寒喘宜煮肺散水病宜當
中分冷熱虛而冷者紫金丹實而熱者防己丸
戴元禮曰有痰喘有氣急喘有胃虛喘有火炎上
喘痰喘者一喘便有痰聲氣急喘者呼吸急促

而無痰聲有胃氣虛喘者擗肩擗項喘而不休
 火炎上喘者乍進乍退得食則減食已則喘太
 槩胃中有實火膈上有稠痰得食入咽墜下稠
 痰喘則止稍久食已入胃反助其火痰再升上
 喘反大作俗不知此作胃虛治以燥熱之藥者
 以火濟火也葉都督患此諸醫作胃虛治之不
 愈後以導水丸利五六次而安
 又心法附錄曰凡此証脉滑而手足溫者生脉瀼
 而四肢寒者死傷寒必上氣急不得卧喉中

時一服減半再服喘愈只有胸膈不利煩熱
 口乾時時咳嗽再與加減瀉白散
 桑白皮一兩地骨皮 知母 橘紅 青皮去白
 桔梗去芦各五錢 黃芩 炙甘草各三錢 每服五錢
 水二大盞煎至一盞去渣溫服食後數服良
 愈華佗云盛則為喘減則為枯活人云發喘
 者氣有餘也凡看文字雖要會得本意盛而
 為喘者非肺氣盛也言肺中之火盛也喘為
 氣有餘者亦非肺氣有餘也言肺中之火有

示火錄
 卷

餘也故瀉肺以苦寒之劑非瀉肺也瀉肺中
之火實補肺也不可不知
陰虛者補之

丹溪治一人家豐好內厚味每年到四月九月
內必發氣喘擡肩吐痰脉沉澁而細數諸醫用
平肺之藥數年不愈用人參生地黃膏和當歸
牛膝肉蓯蓉枸杞子五味子知母黃柏天門冬
玄參末為丸如梧子大每服百丸空心服以救
肺虛又用阿魏黃連山查沉香牛黃辰砂膽星

陳皮神麩糊為丸梧子大臨卧姜湯下三四十
丸以治厚味服訖復用瓊玉膏一劑繼服之而

東垣調中益氣湯加減法

如秋冬月胃脉四道為衝脉所逆并脇下少陽
脉二道而反上行病名曰厥逆其証氣上衝咽
不得息而喘息有音不得卧如吳茱萸五分或
一錢觀厥氣多少而用之如夏月有此証為
太熱也蓋此証隨四時為寒熱溫涼宜以酒黃
連黃柏知母各等分為細末熱湯丸如桐子大

每服二百丸白湯送下空心服仍多飲熱湯服畢少時便以美食壓之使不得胃中停留直至下元以瀉衝脉之邪也大抵治飲食勞倦所得之病乃虛勞七損症也當用溫平甘多辛少之藥是治其本也如時見寒熱四時証也又將理不如法或酒食過多或食辛熱寒冷之物作病或居大寒大熱之處益其病當暫用大寒大熱之藥而取效此從權也不可以得效之故而久用之必致大橫矣

平居則氣和行動則氣促而喘者亦衝脉之火子族兄六旬有餘素有喘症或嘔吐血痰平居時則不喘稍行動則氣促喘急以黃柏知母滋腎丸空心服七八十九其症大減此黃柏知母能泄衝脉之火者如此效也

簡易方 治肺氣喘嗽馬兜鈴二兩去殼取子秋石半兩入碗內和勻慢火炒乾甘草一兩炙二味為末每一錢水一盞煎六分溫呷之以藥末含嚥津亦得

肺氣虛者宜補之

本事方治咳喘氣急以參一味為末鷄子清投新水調下一錢昔有二人同走一舍人參一不
舍俱走三五里許其不
舍者大喘舍者氣息自如乃人參之力也

仲景治火逆上氣咽喉不利以麥門冬湯主之止

其逆而下其氣也 麥冬七 半夏升 人參兩

甘草兩 粳米合 大棗枚 右六味以水一斗

二升煮取六升溫服一升日三夜一

許學士治一婦年五十餘素有痰嗽忽一日大喘

痰出如泉身汗如油脉浮而洪似命絕之狀予

適在彼速用麥門冬四錢人參二錢五味子一

錢五分煎服一帖喘定汗止三帖後痰亦漸少

再與前方內加瓜蒌仁一錢五分白木當歸芍

藥黃芩各一錢服二十餘帖而安此實麥冬五

味人參之功也如自汗兼腹滿脉沉實而喘者

裏實宜下之

活人五味子湯 治喘促脉伏而數者

五味子錢二 人參 麥冬 杏仁 橘紅各二錢半

姜三片 紅棗三枚 水煎服

喘九遇冬而發此寒包熱也解表則熱自除

枳殼三錢 麻黃 防風 黃芩 桔梗二錢 陳皮

木通一錢半 通利九竅 紫蘇五葉

右分四帖水煎服之

又方 治寒包熱而喘必用發散 半夏 枳殼

炒桔梗 黃芩炒 紫蘇 麻黃 杏仁 甘草

如天寒加桂枝

東垣麻黃定喘湯 小兒寒鬱喘喉中鳴腹內响

堅滿鼻流清涕脉沉急而數 麻黃 草薺

益智仁各兩分半 甘草 歸身 紅花 黃芩生

柴胡各一分 升麻 神麴各五分 吳茱萸三分 蘇木半

全蝎 右分二服水煎微汗愈

麻黃蒼朮湯 治秋暮冬月每夜連声嗽不絕口

喘至天明日高方緩口苦兩脇下痛卧而多驚

筋挛肢節痛痰涎沫日晩呵欠不能飲食

柴胡 羌活 蒼朮各五分 麻黃一分 防風 甘草

稍生 歸尾 黃芩各四分 炙甘草三分 五味子九分

草豆蔻六分 黃耆一錢 右分二帖水煎稍熱

服 此二方發中外之寒

七情氣鬱宜四磨湯以解之庶下其氣而止其喘

急也 人參 枳柳 沉香 天台烏藥

右四味各濃磨水取七分煎一二沸放溫服

加木香枳殼為六磨湯 有苦寒者加丁香

亦可 衍義云烏藥枳柳氣稍走泄但不甚

剛猛與沉香同磨作湯治胃中氣膈甚當

丹溪治一婦人發熱氣喘與解表藥汗出而定因

夜半食粥早喘再作心痞口乾 半夏 枳實

炒各三錢 黃連 白朮各二錢 木通 陳皮各一錢 麻黃

紫蘇各一錢 炙甘草 加姜水煎服

分氣紫蘇飲 治脾胃不和酒折惡寒氣逆喘促

五味子 桑白皮 枳殼 炙甘草 草果

大腹皮 陳皮 桔梗各等分 紫蘇減半

姜三片水煎服

東垣人參平肺散 治心火刑肺傳為肺痿咳嗽

喘嘔痰涎壅盛胃膈痞悶咽隘不利錢一桑皮

知母七分炙甘草 地骨皮 人參各五分 茯苓

天冬各四分 青皮 陳皮各三分 五味子三十粒

如熱甚加黃芩紫蘇葉半夏各五分

參蘇溫肺湯 治形寒飲冷則傷肺喘煩心胃滿

短氣不能宣暢 人參 肉桂 甘草 木香

五味子 陳皮 半夏 白朮 桑皮 紫蘇

莖葉各二兩 茯苓一兩 每五七錢姜三片水煎服

如冬寒月每服加不去節麻黃半分

加味華蓋散 肺受風寒胃滿聲重

蘇子 陳皮 赤茯苓 桑皮 麻黃 杏仁

錢各二 甘草一錢 姜三片束二枚水煎服

九寶湯 效而身熱喘急惡寒各二 麻黃 薄荷

陳皮 肉桂 紫蘇 杏仁 甘草 桑皮

大腹皮 各等分 加姜葱水煎服

發時有痰吐出者宜化痰

婦人大全千緡湯 半夏七枚破四片製之 皂角去皮

炙甘草各一寸 生姜大如指 右用水一碗煮去半

頰服一方不用甘草但用半夏末一兩皂角
去皮紋半兩生姜七片同入紗袋中水三升
煎至一盞五分以手揉洗取清汁分作三服
連進之效

咳逆上氣時濁唾但坐而不得卧者皂莢丸主

之方在咳嗽門

水氣凌肺者宜徹之

東垣神秘湯 治病人不得眠則喘急水氣
逆行上乘于肺得水而浮使氣不流通其脉

沉大 蘇葉 陳皮 生姜 桑皮 人參

錢 茯苓 木香 各二錢 右分二帖水煎服

防已葶藶丸 治肺氣喘嗽面目浮腫小便赤澀

喘促不得卧 漢防已 木通 貝母 各一兩 苦

葶藶 炒杏仁 右為末枣肉膏為丸梧子大桑

白皮湯下

喘咳倚息不得卧仲景小青龍湯加石膏主之

方在痰飲門

汚血凝滯胃膈者宜活之

丹溪治卒上氣喘鳴息急欲死者 葶汁飲之
升痰蓋葶汁能去胃中惡血滯氣

又方 治上氣咳嗽胃膈妨悶氣喘 堯仁二兩

去皮尖以水一升研取汁和粳米二合煮粥食

東垣加味瀉白散 治陰氣在下陽氣在上咳嗽

喘促 桑皮兩一 青皮兩二 茯苓錢三 甘草

地骨皮錢七 陳皮 五味 人參錢各五

每五七錢入粳米百粒水煎服

清金湯 治男婦不拘遠近肺氣咳嗽上氣喘急

喉中涎聲胃滿氣逆坐卧不安飲食不下嗽門

丹溪清金丹見嗽門 治食積痰喘哮喘因厚味而發

者

調氣化痰丸 快脾順氣化痰消食治久喘或作

或止者 半夏 南星 白礬 皂角 生

姜 右各一觔水煮南星無白點為度揀去皂

角不用將生姜切作片同半夏南星晒乾再

青皮去白 橘紅 蘇子炒 蘿蔔子炒 乾葛

杏仁去皮尖 神麩炒 麥芽炒 山查 香附子

右各半觔淨與前藥合和一處為細末生薑
汁浸餅打糊為丸桐子大每服五七十九
食後茶湯送下

飲水多者宜滲利之

仲景云病人飲水多必暴喘滿以五苓散主之

白朮散 治夏月飲冷酒生痰膈滿而喘

白朮 茯苓 黃芩 半夏各等分 每服六七錢

姜三片水煎調陳皮神麴末各一錢食後服

開提之劑

簡易方 治喘急 桔梗一兩半為末童便

升煎取四合去渣溫服

開闔之劑

安肺散 治痰嗽不問新舊喘急氣逆

麻黃去節 炙甘草二兩 御米殼去蒂炒 右為末每

五錢水一盞入烏梅一枚煎七分溫服

人參理肺散 治喘嗽不止

麻黃去節 川歸 木香各一兩 御米殼炒

杏仁炒 各二兩 每服六錢水煎服 人參

雜方

保命集半夏丸

傷風痰作喘逆元元欲吐惡心

欬倒

半夏

兩一枚柳

雄黃

各三錢

右為末姜汁

浸

餗糊為丸

梧子大每服五十九丸姜湯下

羅太無人參半夏丸

化痰墜涎止咳定喘或風

痰茶痰食痰一切痰逆嘔吐厥頭痛或風氣偏

正頭風疼或壅頭目昏眩耳聾鼻塞咽乾胃膈

不利

人參

茯苓

南星

薄荷

各五錢

半夏

乾姜

白礬

寒水石

各一兩

蛤粉

二兩

藿香

半錢

右為末水糊為丸梧子大每服三五十丸

湯下日三服

此方治久喘極効於未發時

服之若已發時用沉香滾痰丸微下之累効

孫兆視雷道矩病吐痰頃間已及一升喘咳不已

面色黧黯精神不快兆乃與仲景葶藶大棗瀉

肺湯下服訖已覺胸中快利畧無痰唾矣

加味白虎湯治熱痰喘嗽火迫肺金

白虎湯加瓜蒌仁枳殼黃芩神効

雙玉散治火痰喘嗽痰湧如泉

雙玉散

治痰

狀

寒水石 石膏 等分為末 入參湯下三錢

羅大無真應散 遠年喘急不能卧百藥不効者

白石英 四兩通明者以絹袋盛以椎猪肚一箇

前法煮三次取出藥 用官局款冬花散二錢入

前末二錢再加桑白皮二寸生薑三片束子

一枚水一盞半煎七分通占服其猪肚亦可

食只不得用醬椒醋鹽姜等調和

官局款冬散 款冬花錢 貝母 知母 桑葉

杏仁 半夏 阿膠 甘草 麻黃 去節

香二為末 治痰喘 橘紅斤 明礬半兩 共炒香

陳皮湯 炙甘草 兩半 夏浸二兩 姜汁 右為末 每服二錢 湯

杏蘇飲 治上氣喘嗽浮腫 杏仁半錢 蘇葉二錢

五味子 大腹皮 烏梅肉 紫苑 炙甘草

錢各一 橘紅 麻黃 去節 桑皮 阿膠 桔梗 各七分

姜三片水煎服

玉華散 咳嗽上喘清肺利膈 甜葶藶 桑

半夏 貝母 天冬 馬兜鈴 杏仁

百合 人參 百部 甘草各七 水煎服

定喘膏詩括 一兩 麻油二兩 蜜半兩 生姜自然汁 紫苑麻黃及杏仁 桔梗 細辛 斟酌入 更加半夏與

人參 慢火熬成 黑漆 臨睡之時 三兩匙 覺來

定喘無蹤跡

定喘 治上氣喘滿 倚息不能卧 杏仁 菀仁

俱越 去皮尖 炒 桑皮各一 人參五錢 姜東水煎服

二奇方 治水氣發喘方在水腫門 杏仁夫皮尖 胡菀肉去皮 等分研

杏仁煎 治喘嗽

為膏入煉蜜少許丸如彈子大每嚼一二丸

姜湯下

又方 治氣虛喘嗽極效 人參三錢 胡桃肉五枚

姜五片水煎服

又方 用胡菀肉三枚 生姜三片 臨卧嚼下 畢飲

湯三兩 呷再嚼菀姜如前 即就枕勿行動甚効

又方 肺熱胸滿痰嗽 瓜蒌仁研 半夏二味和

勻 生姜自然汁打麵糊為丸如梧子大 每服

五十九 姜湯下

又方

治諸喘

麻黃分七 杏仁錢一 甘草分四 細茶

分石膏錢半

水煎服

定喘奇方

治稠痰壅盛肺肥實而喘者

廣橘紅兩

明礬錢五

同炒香去礬不用

半夏

一兩杏仁

瓜蒌仁

去油

皂角

去皮絃子燒

炙甘草錢七

黃芩

右為末

餅用淡姜湯

打糊為丸，菜豎大，每食後白湯下，一錢日二

次服三五日，大便下稠痰而愈，服七分

治熱嗽喘咳不已

苦葶藶

另研

知母 貝母

各一兩 杏仁火研為泥

右為末煉蜜丸，梧子大，食

後臨卧桑白皮湯下五七十九

治喘哮

貝母一兩香附干兩

半生為末，食後茶

調下二錢，忌鹽油煎，傳不拘水，哮喘並效

劫喘方

牛黃散

治熱痰暴

白牽牛

炒二 大黃

兩蜜水下二錢

又方

蘿蔔子

蒸皂角

性燒存

姜汁和蜜丸，梧子大

治喘

每服五十九，白湯下

用古文錢七箇，鹽梅七箇，水一盞同浸

宿每服一呷空心良久吐出惡痰而效
子和稀涎散 治痰喘氣逆下氣化痰甚速

氣短氣促少氣

短氣而息促似喘非喘也少氣者氣以不足以言也

素問云三陽絕三陰微是為少氣方盛論怯然少氣

者是水道不行形氣消索也示從容篇言而微終日

乃復言者此奪氣也 綱目云治此少氣蓋生

脉散獨參湯之屬為愈也

一陽發病少氣善咳善泄

運氣言少氣有二 一曰火熱經云火鬱之發民

病少氣又云少陰之復少氣骨疼又云少陽之

復少氣脉痿治以諸寒是也 二曰風濕經云

太陽司天之政四之氣風濕交爭風化為雨民

病大熱少氣是也

喘與短氣辨

成無已曰短氣者氣而不能相續者是也似喘而

非喘若有喘上衝而實非氣上衝也夫喘者張

口擡有挫身滾肚謂之喘也氣上衝者腹裏時
 時氣上衝也所謂短氣者呼吸雖數而不能相
 續似喘而不搖肩似呻吟而無痛此短氣也經
 所言短氣者衆實為難辨愚師莫識慢者多矣
 要識短氣之真者氣急而短促謂之氣短者也
 脈經曰寸口脈沉胃中短氣

生生子曰短氣少氣治法亦有異也短氣仍有虛
 有實治法有補有瀉少氣則純不足也治惟有
 補而已

仲景曰陽脈微而緊則為寒微則為虛微緊相

搏則為短氣又曰胸痺氣中氣寒短氣茯苓

杏仁甘草湯主之橘枳姜湯亦主之方見胃痺痛門胸

痺喘息咳唾胃背痛短氣括萎薤白半夏湯主

之方見胃痺痛門夫短氣有微飲當從小便去之苓桂

朮甘湯腎氣丸亦主之腎氣丸方見脚氣中欬花補肺湯

治咳嗽短氣又曰短氣皆屬飲苓桂朮甘湯

是其一法也金櫃云咳逆倚息短氣不得卧其

形如腫謂之支飲又云支飲亦喘而不得卧加

赤水玄珠

九卷

三

短氣其脉平也。又云膈上有留飲，其人氣短而渴，四肢歷節痛，脉沉者，有留飲。又云肺飲不弦，但苦喘，短氣，其治法危急者，小青龍湯，脹滿者，厚朴大黃湯，胃眩者，苓桂朮甘湯，及澤瀉湯，不得息，葶藶大束湯，吐下不愈者，木防已湯。是也類東垣曰：胃滿少氣，短氣者，肺主諸氣，五臟之氣皆不足，而陽道不行也。氣短，小便利者，因君子湯，中去茯苓，加黃耆以補之。如腹中氣不轉者，加甘草一半。肺氣短促或不足者，加人參。

白芍藥中焦用，白芍藥則脾中陽升，使肝膽之邪不敢犯之。如衣薄而短氣，則添衣于無風處，居止，氣仍尚短，則以熱湯一碗薰其口鼻，則不短也。如衣厚于不通風處，居止而氣短，則宜減衣，摩搦汗孔，令令干，漫風處，居止。如久居高屋，天寒陰濕，所遏，氣短者，亦如前法。薰之。如居周密小屋，或大熱而處寒涼，氣短，則就風日，凡氣短皆宜食滋味湯飲，令胃氣調和。仲景曰：平人無寒熱，短氣不足以息者，實也。丹溪治許

蘇水
九卷
許

白雲先生脾疼跨痛短氣用太吐大下法是也

孫尚正元散 治氣不接續兼治滑泄及小便數

王丞相服之有效 莪朮一兩金鈴子去核二

錢半右件為末入研砂一錢煉過研末和勻每

服二錢鹽湯或溫酒空心調服

苓桂朮甘湯

治痰飲短氣

方在痰飲門

產後喘

產後喘乃急症極危多死郭氏謂此名孤陽絕陰為難治因所下過多榮血暴竭衛氣無主獨聚

肺中故令喘促喉中氣急也治此症用獨參湯

為妙 陳無擇云宜大料芎歸湯 若惡露不

快散血停疑上薰于肺亦令喘急但服奪命丹

血去喘自定

血沒散 產後敗血冲心胃滿上喘命在須臾

真血竭 沒藥 等分為末每服二錢用童便

好酒煎一大沸溫調下 方產時進一服上

床良久再服其惡血自循經下行更不上冲

免生百病

蘇火

參蘇飲 產後血入於肺面赤發喘故死者

人參一兩蘇木二兩右以水二碗將蘇木煎至

一碗去渣調人參末隨時加減服神效

若因憂怒性氣抑鬱而發喘者以小調經散用桑

皮杏仁煎湯調服

旋覆花湯 產後傷風寒咳喘嗽痰涎壅盛坐卧

不寧 旋覆花 赤芍藥 荆芥穗 半夏麩

五味子 麻黃 茯苓 杏仁 甘草 前胡

各等分 姜五片水煎服

一婦孕時足腫七月初旬產後二日洗浴即氣喘

但坐不得卧者五個月惡風得暖稍寬兩關脉

動尺寸皆虛百藥不効牡丹皮杏仁桂枝茯苓

乾姜枳實厚朴桑皮紫蘇五味瓜蒌仁煎湯服

之即寬二三服得卧其痰如失蓋作汚血感寒

治之也

若傷風冷飲食而喘者宜見現丸 姜黃 三稜

小蓴 燈茛 陳皮 良姜 人參 莪朮 右等

分為末蘿蔔水煮爛研細將汁煮麵糊為丸

梧子大蘿蔔子湯下

小調經散 產後四肢浮腫者敗血循經流入四肢

肢滯留日久腐爛如水故令四肢腫面色黃宜

服此血行腫消則愈 沒藥 琥珀 桂心

芍藥 當歸各一錢 細辛 射香各五分

右為末每服五分姜汁酒調服

哮喘

丹溪曰哮喘必用薄滋味專主於痰宜大吐不用涼藥須常帶表散此寒包熱也亦有虛而不可

哮喘遇冷則發者有三

其一屬中外皆寒者治法乃東垣參蘇溫肺湯

調中益氣加吳茱萸湯及紫金丹劫寒痰者是

也紫金丹即砒霜猪肉煨為末蒸餅丸者 其二屬寒包熱治法乃

仲景越未寒之時先用大承氣湯下其熱至冬

寒時無熱可包哮喘自不發是也

食積壅塞哮喘咳嗽清金丹遇厚味發者用之

蘿蔔子淘淨蒸熟晒乾為末 猪牙皂角燒存性 用生薑

汁浸蒸餅丸如小葶藶大每服三五丸

下劫喘以姜汁煉蜜如梧子大每服七八

千九喻下止之

遠年連日哮喘痰嗽

蟬退足去

輕粉研另

馬兜

鈴各一五靈脂生

雄黃生

杏仁去皮

砒各生

錢五淡荳豉四十九粒

右為末用生薑葶藶自然汁

合輕粉諸藥為丸小彈子大每服一丸細嚼

臨睡生薑湯下

治齆嗽

蘇子錢二

麻黃去毒

款花

桑葉炭

半夏錢各三

杏仁去皮

甘草錢半

白果二十一枚

衣炒黃

色水三鐘不用姜煎二鐘徐頻服

一方治全用糯米泔水磨茶子滴入鼻中令吸入

口內服之口中橫咬竹管一個片時間則涎自

口鼻中流出如綿當日立愈二次絕根

治水嗽芫花為末大水上浮淳過大米粉

右三味搜為糲清水煮熟恣意食之

又方青皮一枚半開者入芭荳一粒鐵線縛定燒

存性為末姜汁并酒各一呷同調服過口便

定喘湯白黃二十一枚去殼炒麻黃三款冬花

桑皮炙 法製半夏如無以甘草湯泡七次去皮用各三錢 甘草

蘇子錢二 杏仁錢一 黃芩錢半 右用水三鍾煎
鍾分二服不用姜不拘時徐服

詩曰 諸病原來有藥方 惟愁真喘最難當

麻黃桑杏尋蘇子 白菓冬花更良 甘草

黃芩同半夏 水煎百沸不須姜 病人遇此

仙丹藥 服後方知定喘湯 金陵有一浦舍

用此方專治齆疾無不取效此其真方也

壓掌散 治男婦哮喘痰嗽 麻黃去節二錢半 炙甘

草錢二 白菓打碎 水煎臨卧服

二黃丸濟生方 治停痰在胃喘息不通呼吸欲

絕下 好雌黃錢一 雄黃兩一 研極細末熔黃蠟為丸

彈子大每服一丸於半夜時煮糯米粥乘熱

以藥投入粥內攪轉和粥吃

善悲

內經云在臟為肺在志為悲又云精氣并于肺則悲是也

肺虛補母仲景云婦人臟躁喜悲傷欲哭象如神

胡靈附數欠伸甘麥大棗湯主之 甘草兩三

小麥升一 大棗枚十 水六升煮三升分三服亦

補脾氣

許學士治一婦人數次無故悲泣不止或謂之有祟祈禳請禱皆至終不應予忽憶金櫃有一証云婦人臟躁悲傷欲哭象如鬼神靈數欠伸者宜甘麥大棗湯予急令治藥及劑而愈古人識病制方種種絕妙如此

運氣云悲証皆屬寒水攻心經云火不及曰伏明

伏明之紀其病昏惑悲忘從水化也又云太陽司天寒氣下臨心氣上從喜悲數欠又云太陽司天寒淫所勝善悲時眩仆又云太陽之復甚則入心善忘善悲治以諸熱是也

姪姬善悲

綱目述堂先生治一姪姬四五箇月臟躁悲傷遇書則慘感淚下數欠象若神靈如有所憑醫與巫皆無益與仲景大棗湯一投而愈

肺痿

金匱要畧千金方 脈經論同

論曰寸口脈數其人病咳口中反有濁唾涎沫出何也師曰此為肺痿之病何從得之師曰病熱在上焦因欬為肺痿或從汗出或從嘔吐或從瘡渴小便利數或從便難被快藥下重亡津液故得肺痿又寸口脈不出而反發汗陽脈早索陰脈不澁三焦踈躄入而不出陰脈不澁身體反冷其內反煩多唾唇燥小便反難此為肺痿傷于津液便如爛瓜下如豚腦但坐發汗故也其病欬欬不得咳咳出乾沫久久小便不利其脈平弱肺痿吐涎沫

而不咳者其人不渴必遺溺小便數所以然者上虛不能制下故也此為肺中冷必眩師曰肺痿欬唾咽燥欬飲者自愈自張口者短氣也

王海藏曰此証初得可治久則難愈何者上枯水之源下竭冰之本也

又曰寸口脈虛小者為肺痿熱之所過初結為膿始萌可救微發渴者欬愈

又曰元傷風傷寒後咳嗽唾血者此肺虛也若不治恐乘虛而成肺痿當以小柴胡去人參大棗

紫姜加乾姜五味子

又曰肺痿肺癰其皮如赭糠○有胃脘成癰其皮緊如甲錯有腸癰聚大膿血于腸胃之間又經云陽明司天唾出白血者其狀淡紅如肺色故曰白血

又曰無汗惡寒脉浮緊得自傷寒法從麻黃○有汗惡熱脉沉實得自傷酒法從葛根

生生子曰痿乾癘也即早發還先痿之痿

甘草乾姜湯 入温臟治肺痿多涎唾小便數肺中

冷必眩不渴不咳上虛下不能制溲服此湯渴者屬消渴

甘草 兩四 乾姜 兩二 水三升者取一升半分温日二服 集驗肘後有大棗十二枚

甘草湯 治肺痿涎唾多出血心中温温液液方

千金翼名 甘草二兩水三升煮取一升半分温夜湯

生姜甘草湯 治肺痿欬唾涎沫不止咽燥而渴

生姜 兩五 甘草 兩四 人參 兩三 大棗 枚十

石水七升煮取三升分三服

桂枝皂莢湯 治肺痿吐涎沫不止 桂枝

生薑 各三兩 甘草 二兩 皂莢 一兩 大棗 十五枚

水七升煮取三升分三服

千金麻黃湯 仲景名小青龍加石膏湯 治肺脹咳而上氣

咽燥而喘脉浮心下有水 麻黃 芍藥

生薑 仲景用乾姜 細辛 桂心 各三兩 半夏 五味子

各半升 石膏 四兩 水一斗先煮麻黃去上沫內諸藥

煮取三升強壯服一升羸者減之日三服

小青龍湯無石膏

知母茯苓湯 肺痿喘嗽不已往來寒熱自汗

茯苓 炙甘草 各一兩 知母 五味子 人參

薄荷 半夏 柴胡 白朮 欬花 桔梗

麥冬 黃芩 各五錢 川芎 阿膠 炒各三錢

右每服一兩姜三片水煎服

久癆咳嗽肺痿見血 知母 貝母 天冬 麥

冬 欬花 各三分 川歸 地黃 杏仁

天麻粉 各五分 桔梗 甘草 馬兜鈴 紫苑

阿膠 白朮 各一分 姜三片棗一枚水煎連進

三服立愈

人參平肺散 治心火剋肺傳為肺痿咳嗽喘嘔
 痰涎壅盛胃膈痞滿咽嗑不利 橘紅 甘草
 炙地骨皮 茯苓 青皮 蘇葉 半夏 各錢五
 桑白皮 兩一 知母 錢七 人參 天門冬 各錢四 有
 熱加黃芩 錢四 五味子 粒三百 每服五錢姜三片
 水煎服或為末姜汁丸如彈子大噲化亦可
 人參款石膏 脾胃虛寒久嗽不已咽膈滿悶咳
 嗽痰涎嘔逆惡心腹脇滿脹腰背傷痛或虛勞
 冷嗽及遠年近日一切咳嗽諸藥不效飲成

款花 人參 五味子 紫苑 桑白皮 兩一
 右為末煉蜜丸芡實大每食後細嚼一丸淡
 姜湯下噲化亦可

肺癰 仲景王叔和論同

孫真人曰病欬唾膿血其脉數實者屬肺癰虛者
 屬肺痿欬而口中自有津液舌上胎滑此為浮寒
 非肺痿若口中辟辟燥欬即胃中隱隱痛脉反滑
 而數此為肺癰也問曰病者欬逆師脉之何以知
 為肺癰當有膿血吐之則死後竟吐膿死其脉何

肺癰

高

類何引之師曰寸口脈微而數微則為風數則為熱微則汗出數則惡寒風中於衛呼氣不入熱過于營吸而不出風傷皮毛熱傷血脉風舍於肺其人則咳口乾喘滿咽燥不渴多唾濁沫時時振寒熱之所過血為凝滯蓄結癰膿吐如米粥始萌可救膿已成則難治寸口脈數跌陽脈緊寒熱相搏故振寒而咳跌陽脈浮緩胃氣如經此為肺癰師曰振寒發熱寸口脈滑而數其人飲食起居如故此為癰腫病醫反不知而以傷寒治之不應愈

也何以知有膿膿之所在何以別知其處師曰假令膿在胃中者為肺癰其脈數欬唾有膿血設膿未成其脈自緊數緊去但數膿為已成也生生子曰按金櫃要畧脈經元戎論肺痿肺癰皆無分別治亦相須以其俱為肺病也愚歷見今之病此者亦稍有分別不能不為之辯也肺痿近于虛怯故王海巖援內經勞風論証不之論上枯水之源下竭水之本也何言乎內經五痿論皆以肺熱葉焦為本故今之病肺痿者多乾

肺痿肺癰

七

咳聲啞无方緣肺主聲肺為火燥傷劇枯痿乾
癆故聲不充發也虛怯者多有之肺癰雖亦為
肺熱所致多有因于外感因于酒熱故間有
及膿血而愈者有瀉肺而愈者茲分肺痿肺癰
為二門祖千金也

王海藏曰寸口脉實大為肺癰血為凝滯化為五
色脉數為弱膿成難已不渴者難治

黃昏湯 治欬有微熱煩滿胃心甲錯是為肺癰
者方 黃昏手掌大一寸是合昏皮也咳咀以

水三升煮取一升分二服

又方 薏苡仁 瓜瓣升 薤仁五十枚 葶藶升切二

二斗煮取五升去滓 右四味內葶汁中煮取二升服一升

當有所見吐膿血

王海藏加味葶藶大棗瀉肺湯 治脉緊數則膿

已成喘而不得卧 葶藶二兩炒 右件杵

成丸以水三升煮大棗二十個取二升去渣

內麻黃五味子各半兩取清飲頓服令三日

服一劑瘥

肺痿

肺癰

肺痿

又法 治一切效唾膿血久效及出不止好酥
三十筋三遍煉停取凝成膏醞服二合日三
服瘥

如聖丸 治風熱毒氣上攻咽喉痛痺腫塞妨悶

及肺癰噴嗽膿血胃滿振寒咽乾不渴時出濁

沫氣息腥臭久咯膿狀如米粥 龍腦 另研

牛黃 研另 桔梗 甘草 生用各 石為細末煉

蜜丸每兩作二十九丸每服一丸噙化

嗽藥青龍散 石膏 兩 朴硝 甘草 生用各

青黛 兩 右為細末每服二三錢煎薄荷湯點熱
漱冷吐

衍義蛤蚧散 治肺虛效久成瘡吐膿血 犀角

羚羊角 鹿角 阿膠 蛤蚧

搜膿散 治諸瘡膿汁不絕腐盡 黃耆 白芍

藥 香白芷 分 各等 右為末乾上患處上用膏

藥敷貼一日一換

海藏云此方雖云上瘡吐膿血久不盡者亦宜用
此藥作湯散煎調服之又宜糊為丸桐子大白

湯下三五十九或乾糝細末咽津大妙

錢氏如聖散 桔梗 甘草 阿膠白炒

煎甘桔取清內膠化服

黃耆鱉甲散 治虛勞客熱肌肉消瘦四肢倦怠

五心煩熱口燥咽乾頰赤心忪日晚潮熱夜有

盜汗胸脇不利飲食多渴欬唾稠粘時有膿血

知母焙桑白皮去皮黃耆去甘草炙赤芍藥紫

苑去蘆已上七秦艽洗去蘆白茯苓去皮焙一

焙別味各五錢淨柴胡去蘆地骨皮去骨已上五

有說生地黄柴胡梗地骨皮味各六錢六

分肉桂去皮不見火人參 苦桔梗已上三味各

鱉甲去頭用酥炙更佳天門冬湯洗去心焙一本忌火

半夏分五右為粗末每服二大錢水一盞煎至七

分去渣溫服食後 海葢云此方內闕黃耆

疑黃芩是黃耆也然內有黃芩有小柴胡今

治虛熱妙為有盜汗亦無妨也兼加知母地

骨皮赤芍藥即錢氏地骨皮散也○治盜汗

亦妙內有桂本治發熱惡寒即柴胡加桂也

○天門冬人參地黄即三才也○秦艽柴胡

甘草蟹甲芍藥即黃龍湯也○紫苑桔梗甘
 草即紫苑散也○桂芍黃耆甘草即黃耆建中
 湯也又云此方治本無傷寒風而得○孫真
 人治唾膿血用麻黃升麻之類及青龍湯之
 類亦從傷寒而得也內多五味子皆祖仲景
 法無論傷寒傷風皆可加五味子又云桔
 梗一味有辛有苦辛以散之若以泄之當如
 上卜之意
 殊砂膏 鎮心神解熱除煩唾血等證

殊砂另研 珍珠末 生犀角 人參 玳瑁末
 甘草各一兩 金箔沈分 輕粉二錢 蘇合油分 牛黃
 研麝香另研 龍腦另研 南鵬砂 琥珀 遠志 羚羊
 羊角 赤茯苓已上各 安息香酒熬去石
 右為細末入研藥極細煉蜜丸蘇合油和諸
 藥為錠子更以金箔為衣每兩作五錠每服
 一皂角子大噙化人參湯下亦得並阿膠花
 相雜服充勝至室丹
 定肺散 知母半 貝母二錢 人參半 錢 枯礬半

此方治... 此方治... 此方治...

烏梅肉兩半 御米殼兩 炒二 白朮半 錢二 為細末水

煎生姜湯點亦得蜜丸彈子大噲化亦得

定肺丸 款冬花 紫苑 知母 貝母 入參

甘草 桑白皮 御米殼 麥門冬 百部

馬兜鈴 五味子 烏梅肉已上各

右為細末煉蜜丸彈子大噲化下丸

古方紫苑散 紫苑兩半 款冬花兩半 百部錢

右為細末烏梅湯點服生姜亦得 如款加

五味子喘加杏仁 渴加烏梅 氣逆加陳

皮 頭痛加細辛三錢 甘草二錢 氣脹者

加御米殼蜜炒粗末水煎

增損防風通聖散 治鼻塞不通肺氣不利

桔梗 桑白皮 紫苑 鼠粘子各半 荆芥穗

甘草一兩已上 右為粗末防風通聖散各一

半和勻每服四錢水一盞半生姜五片煎至

七分去渣溫服食後

葶藶大束瀉肺湯 肺癰胃滿脹一身面目浮腫 鼻塞清涕出不聞香臭酸辛欬逆上氣喘鳴迫

塞先服小青龍湯一帖

葶藶

三錢研大棗

先以水三升煮取二升去棗入葶藶煮取

一升服

外臺桔梗白散

咳而胃滿振寒脉數咽乾不渴

時出濁唾腥臭又吐膿如米粥者為肺癰

桔梗

貝母

各三兩

巴豆

七分

右三味為散柱入服

五分弱者減之病在膈上吐膿血隔下者瀉

出若下多不止者飲冷水一杯

效而胸滿振寒脉數咽乾不渴時出濁唾腥臭又

吐膿如米粥者為肺癰桔梗湯主之

亦治

桔梗

兩

甘草

兩

右二味以水三升煮取

一升分溫再服則吐出膿血而愈也

欬逆上氣時時濁唾但坐不得卧皂莢丸主之

皂莢

刮去皮

為細末蜜丸梧子大以東膏和湯

服三九日三夜一

孫真人治肺癰吐膿血用甘桔湯二十餘條加減

半甘草一兩桔梗二兩水煎服咳逆氣者加

陳皮咳嗽者加知母貝母效而渴者加五味

吐膿血者加紫苑 肺痿者加阿膠 面目腫
 者加茯苓 嘔者加生姜半夏 少氣者加人
 參麥冬 膚疼者加黃耆 目赤者加梔子黃
 連 咽痛者加鼠粘子竹茹 声不出者加半
 夏桂枝 疫毒頭腫者鼠粘子大黃芩硝 胸
 痛膈不利者加枳殼 心胃痞者加枳實 不
 得眠者加梔子 發狂者加防風荆芥 酒毒
 者加葛根陳皮
 桔梗湯 治肺癰心胸氣壅咳嗽膿血心神煩悶

咽乾多渴兩脚腫滿小便赤黃大便多澀
 桔梗 貝母 當歸 瓜蒌仁 只殼 苡仁
 桑皮 防已 各一分 甘草節 杏仁 百合 各一分
 黃耆 八分 分二服 姜三片水煎溫服 木便秘
 加木黃 小便秘加木通
 升麻湯 肺癰吐膿血作臭氣 升麻 苦梗
 苡仁 地榆 黃芩 牡丹皮 芍藥 各一分
 甘草 三分 分二服 水煎食後溫服
 紫苑湯 治咳嗽唾中有膿血虛勞瘵痿

庚辰年

心家

卷一

赤水玄珠九卷終

紫苑 知母 桔梗 甘草 五味子

茯苓 阿膠 貝母各一錢 姜三片水煎服

排膿散 肺癰吐膿以此排膿補肺

黃耆兩一 水二鍾煎一鍾食後溫服

東膏丸 肺積在右脇下如杯發為癥 陳皮

苦梗 葶藶 各等分 束肉搗為丸 梧子大每

服五十九丸米飲下

消濃飲 肺有癰膿腥氣上衝嘔而咳嗽

天南星 半夏 知母 貝母 生地 阿膠

川芎 甘草 桑皮 防風 射干 桔梗

天冬 薄荷 杏仁 白芷 紫蘇 白芨

烏梅 各等分 每服七錢 姜三片水煎服

大宮詹少溪吳馭閱校

赤水玄珠九卷終

補水玄珠

九

四

赤石脂

白石英

大宮

大宮...
 赤石脂...
 白石英...
 甘草...
 桑皮...
 胡風...
 桂...

